

# MHC harap Filipina tak gugurkan hoki padang pada Sukan SEA

**Saiful Affendy Sapran**  
saifulaffendy@NSTP.com.my

**Kuala Lumpur:** Konfederasi Hoki Malaysia (MHC) berharap tuan rumah Sukan SEA 2019, Filipina sedia mempertimbangkan untuk menyenaraikan hoki padang dan dalam dewan pada temasya dwitahunan itu.

Timbalan Presiden Kanan MHC, Datuk Dr S Shamala berkata, hoki tidak sewajarnya digugurkan kerana ia dipertandingkan pada te-

masya Sukan Olimpik.

Mengakui tuan rumah berhak menentukan jenis sukan yang dipertandingkan, Shamala bagaimanapun berkata, Filipina juga seharusnya melihat kepada suasana negara di rantau Asia Tenggara yang mana minat terhadap sukan hoki semakin berkembang.

“Pasukan hoki Indonesia umpamanya melakukan persiapan rapi dan serius untuk menghadapi Sukan Asia.

“Malah Thailand dan Si-

ngapura juga agak kuat dalam sukan hoki. Jadi di situ ada minat yang tinggi terhadap sukan hoki.

“Lagipun ia sukan yang dipertandingkan pada Sukan Olimpik.

“Sebab itu saya mengharapkan Filipina selaku tuan rumah sedia untuk mempertimbangkan supaya hoki dipertandingkan pada Sukan SEA 2019,” katanya.

Bagaimanapun Shamala berpendapat, Filipina mungkin akan memberi tumpuan kepada hoki dalam dewan

sekiranya mahu menyeraikan sukan itu.

“Sebab mereka mempunyai pasukan dalam dewan dan menyertai acara ini pada Sukan SEA Kuala Lumpur (KL2017),” katanya.

Jelas Shamala, MHC mengemukakan rayuan berhubung perkara itu menerusi Majlis Olimpik Malaysia (MOM). Tarikh tutup permohonan rayuan akan berakhir 13 Jun depan.

Mesyuarat Persekutuan Sukan SEA (SEAGF) di Manila pada 16 dan 17 Mei lalu me-

“

Sebab mereka mempunyai pasukan dalam dewan dan menyertai acara ini pada Sukan SEA Kuala Lumpur (KL2017)”

**Dr S Shamala**

mutuskan untuk menyeraikan hanya 30 jenis sukan pada temasya itu dan menyaksikan hoki antara yang digugurkan.

